

Reglament per la cumissiun da drogas

sa basond sin l'art. 28 al. 3 da l'urden da gestiun per la regenza dal chantun Grischun ¹⁾ e sin l'art. 12 da l'ordinaziun davart ils collavuratur en uffizi accessoric dal chantun Grischun ²⁾

relaschè da la regenza ils 4 da favrer 1997

Art. 1 ³⁾

La cumissiun da drogas cussegia e sustegna il departament da giustia, Intent segirezza e sanadad e la regenza en dumondas da drogas.

Art. 2

Las indicaziuns davart las persunas, las funcziuns e las professiuns en quest reglament sa refereschan a domaduas schlattainas, uschenavant ch'i na resulta nagut auter or dal senn da quest reglament. Egualitad da las schlattainas

Art. 3

^{1 4)} La cumissiun da drogas consista da maximalmain indesch commembers che vegnan elegids dal schef dal departament per ina perioda d'uffizi da quatter onns. Il schef dal departament designescha il president. Dal rest sa constituescha la cumissiun sezza. Cumposiziun ed elecziun

² Il schef dal departament e la persuna incumbensada per dumondas da drogas vegnan envidads a las sesidas cun vusch consultativa.

³ En cas da basegn po la cumissiun consultar spezialists externs.

Art. 4

La cumissiun da drogas ha spezialmain las suandantas incumbensas: Incumbensas

- a) giuditgar il svilup da la situaziun da drogas en il chantun;
- b) cooperar tar il svilup da princips e da concepts per ina politica da drogas unitara ed equilibrada;
- c) formular posiziuns davart dumondas da princip e davart relaschs legislativs en il sector da las drogas;

¹⁾ DG 170.320

²⁾ DG 170.420

³⁾ versiun tenor l'aggiunta 2 da la OORA; CUL 2006, FUC 4291; entrà en vigur il 1. da schaner 2007

⁴⁾ versiun tenor l'aggiunta 2 da la OORA; CUL 2006, FUC 4291; entrà en vigur il 1. da schaner 2007

- d) dar sustegn tar la coordinaziun da las mesiras en il sector da las drogas.

Art. 5

Sesidas

¹ La cumissiun da drogas sa raduna almain duas giadas l'onn. Ella sa raduna sin invitaziun dal president u sche trais commembers pretendan ina sesida, inditgond las tractandas.

² La persuna incumbensada per dumondas da drogas procura che la cumissiun da drogas survegn ils documents davart las singulas tractandas.

Art. 6¹⁾

Actuariat

L'uffizi da sanadad fa l'actuariat da la cumissiun da drogas.

Art. 7

Entrada en vigur

Quest reglament entra en vigur il 1. da mars 1997.

¹⁾ versiun tenor l'aggiunta 2 da la OORA; CUL 2006, FUC 4291; entrà en vigur il 1. da schaner 2007